

AKASHVANI AIZAWL

REGIONAL NEWS BULLETIN

HEADLINES (MORNING)

1. Chief Minister Pu Lalduhoma leh NHIDCL hotute nimina inkawm chuan Mizorama kawngpui hrang hrang thawm that dan tur leh hmasawn zel dan tur an sawi.
2. Nikum July thla tawp atanga tan, Mizorama raltlante mit-naute leh kutze thla lak hna (biometric enrolment) chu zawh fel tep a ni chungin hna hi chawhlsan rih a ni.
3. Lucknow-a coaching centre kanga thi zat chu mi 15 an tling tawh.
4. UK Prime Minister Keir Stermer chuan PM a nihna a tanga a ban thu a puang.

<><><>

CM & NHIDCL

Chief Minister Pu Lalduhoma leh NHIDCL hotute nimina inkawm chuan Mizorama kawngpui hrang hrang thawm that dan tur leh hmasawn zel dan tur an sawi.

Nimin khan CM Conference Hall-ah Chief Minister Pu Lalduhoma leh NHIDCL hotu Dr. Krishan Kumar chu Mizorama NHIDCL hnathawh hrang hrang sawiin hetah hian Aizawl - Thenzawl Road National Highway-a siam tura DPR siamtu tur zawn mek a ni an ti a, Tender chu tun thla tawpah hawn tum niin nakkumah sanction hman tum a ni.

Inkawmna ah hian Seling - Tipaimukh National Highway-a Tuirini lei leh Tuivai lei chu a rang lama siam that a tul thu Chief Minister hian a sawi a. National Highway 6, Vairengte - Sairang kawngpui siamthat dan tur chungchang pawh sawi niin National Highway Tlabung - Kawrpuichhuah chu NHIDCL kuta dah tura tih a ni a, Four Lane National Highway Vairengte - Sairang/Aizawl hnathawh meka harsatna hrang hrang te, Aizawl - Tuipang NH thawh mek te an sawi a. Harsatnate chu a rang lama chinfel dan tur an sawi nghal a ni.

(DIPR)

<><><>

SIR

Mizoram a Special Intensive Revision (SIR) kalpui mekah Enumeration Form 94.26% digitalized tawh niin, Mizoram chu India ram state zinga a titha ber a nih thu Aizawl District Election Officer Pu Lalhriatpuia'n a sawi.

M.C. Hall, Durtlangah leh Zonuum YMA Hall-a Aizawl North I leh Aizawl West I-a Election hotute nen Special Intensive Revision (SIR) chungchanga thutkhawmah DEO Pu Lalhriatpuia chuan India Dan pui Article 324 hnuai SIR a kalpui mekah Mizoram chu India ram state zinga a titha ber an nih thu a sawi a. mipuiten sawrkar an thawhpui tha tih sawiin BLO-te leh mawhphurhna hrang hrang neitute chu tha taka an tihur an hlen theihnau duhsakna a hlan bawk a ni.

He hunah hian BLO-te chuan SIR chungchanga an thlen chin te, harsatna an tawh te leh zawhna an neih te sawihona hun an hman a ni. Mizoram a SIR kalpui mekah EF 8,24,880 digitalize tawh niin, hei hi vote nei zawng 94.26% a ni.

(Desk)

<><><>

BIOMETRIC ENROLMENT

Nikum July thla tawp atanga tan, Mizorama raltlante mit-naute leh kutze thla lak hna (biometric enrolment) chu zawh fel tep a ni chungin hna hi chawhlsan rih a ni.

Home department hotute sawi danin Chhiarpui leh electoral roll Special Intensive Revision (SIR) buaipui a Mizoram district tina sorkar hnathawkte an buai vang lai a nih avangin raltlante biometric enrolment kalpui hi tih hleih theih a ni lova. Chawhkar hmasa lam atang khan a dinhmun hi a la ngai deuh reng a. Myanmar atanga raltlan mi 29,727 zinga raltlan mi 29,047 te biometric enrolment chu zawh a ni tawh a, chu chu za zela 97 point 71 a ni a. District 11 zinga district paruk – Aizawl, Champhai, Lunglei, Mamit, Khawzawl leh Saitual district-te chuan an zo fel tawh a. Serchhip district hian za zela 99 point 86 an zo tawh a, Kolasib district-in za zela 96 point 15 zo tawhin Lawngtlai district pawhin za zela 95 point 83 an zo tawh a ni. Myanmar raltlan awm tam ber palina, raltlan 3,075

awmna Siaha district hian za zela 88 point 62 chauh an la zo a, raltlan 622 chauh awmna Hnahthial district hian za zela 90 point 51 an zo tawh a ni.

Bangladesh raltlante biometric enrolment pawh zawh fel hnaih a ni tawh a. Zirtawpni thleng khan Bangladesh atanga Mizorama raltlan mi 1,482 zinga 1,447 te biometric data chu khawn a ni tawh a, za zela 97 point 64 a tling tawh a ni. Bangladesh-a Chittagong Hill Tracts atanga raltlan lo lut awm tamna ber Lawngtlai district-a awm mi 1,164 zinga mi 1,129 (za zela 96 point 99) te biometric enrolment tih tawh a ni a. Tih zawh thuai beisei a ni. Bangladesh raltlante hi Serchhip district-ah 235, Lunglei district-ah 75 leh Aizawl district-ah 7 an awm ve a, anniho biometric enrolment hi tihfel a nihna a rei tawh a. Lawngtlai district hi Myanmar raltlan awm tam berna dawttu a nih avangin hna a kal chak thei lo ni a thu dawn a ni.

(Desk)

<><><>

MIZO TAXI APP

Sorkar hmalakna Mizo Taxi mobile application chuan thlawp a hlawh rih lo hle a, taxi leh auto-rickshaw khalhtu mi 200 vel in ziaklut tawhin Taxi a eizawngtu pawl ten an dodal mek bawk.

Taxi-a eizawngtute pawl pathum - Mizoram Taxi Association (MTA), Aizawl Two Wheeler Taxi Association (ATTA) leh Aizawl District Auto Rickshaw Owner Association (ADAROA) chuan sorkarin Online application hmanga taxi leh auto-rickshaw koh theihna tura duan, Mizo Taxi mobile application chu an dodal chhunzawm zel a, an duhdan chu sorkarin a ngaihtuah tha a nih loh chuan court thlen an tum tih an sawi a ni.

Tunhnaia Lirtheia eizawng pawl pathum-in thuchhuah intawm an siamah Mizotaxi online booking system that tawh lohna lai nia an hriat, sawrkara an thlente a hlawhtlinna hmuh tur a la awm lo chu hriatthiam har an tih thu an sawi a, tunlai ei leh bar, khawsak na sang zel leh tuialhthei man to chho zel ah STA-in kum 2024 March thla daih tawha rate a siamsak hmantir a tum chu hman chi-ah an ngai lo an ti a. Rate awm tawh sorkarah ziaka an thehluh tawh chu sawrkara chuan pawmsak thei se an duh tih an sawi a ni.

Hemi chungchanga Akashvani Aizawl News zawhna chhangin, ATTA Vice President KC. Lalchawimawia chuan Mizo Taxi app-a rate zat an dah te chu kilometre inang reng pawh rate zat a inang lo hle a, hei bakah hian a metre an dah pawh a dik lo hle a ti a. Mipui leh taxi khalhtute chhiah chawi tura an siam pawh a sang an tih thu sawiin, registration fee Rs 500/ an chawi ngai tur leh mipui taxi/auto hmangtuten an hman a piang a chhiah zaa 6-10% an chawi zel a ngai tur chu tha an ti lo a ti.

Hetihlai hian State Transport Authority (STA) hotute chuan Akashvani Aizawl News zawhna chhangin tun dinhmunah Taxi-a eizawngtu pawl tangrual te thil duh chungchang chu ngaihtuah that tumna a awm rih lo tih an sawi.

Kan corr report lo ngaihtla ang

Voicecast

Wawin thlengin Mizo Taxi app-ah hian taxi leh auto-rickshaw khalhtu mi 200 chuang an in ziaklut tawh a, lirthei hmangtu tur mipui sing 1, sang 1, 598 an inziaklut tawh bawk niin kan thudawmna chuan a sawi a. Sorkarin ruahmanna a siamah chuan Mizo Taxi online application hi Aizawl khawpui chhungah bul tan phawt tur a ni dawn a, a tahtawlin district dangah pawh kalpui chhoh zel tum a ni. State Transport Authority (STA) chuan Mizo Taxi-ah hun tiam chhunga mipui mamawh khawp lirthei in- register an awm loh chuan, a tul angin 'Mizo Taxi' hnuuia tlan tur permit pek belh a nih tur thu a tarlang tawh a ni.

<><><>

SDRF REFRESHER COURSE

Chhiatrupna chi hrang hrang thleng thei laka chhanchhuah hna tha leh chak zawka kalpui a nih theih nan ninim khan 1st IR Battalion, Mualvum hnuuia State Disaster Response Force (SDRF)-te tan intuaitharna (Refresher Course) buatsaih a ni.

He SDRF Refresher Course hi 1st IR Bn Commandant, Pu M.S. Dawngkima chuan hmanpuiin chhiatrupna chu engtik hunah pawh thleng thei reng a nih avangin SDRF mi leh sate chuan an thiamna leh theihnate belhchhahin an intuaihriam reng a ngai a ti a, Mipuiten puih an ngaih huna rang taka che chhuak thei reng tura inbuatsaih thin turin SDRF, 1st IR Bn te chu a chah bawka ni.

Nimina intuaitharna ah hian SDRF te hi a thu (theory) leh a taka tih chhinna (practical) hmangin training neihipui an ni a, chhiatrupna thlen thulha hmalak dan tur hrang hrangte an zirho a ni.

(DIPR)

<><><>

12 YEARS OF NDA GOVT

Prime Minister Narendra Modi kaihhruai NDA sawrkara kaltlanga tanpuina dawngtu Pangzawl khuaa cheng ten an chhawr tangkai thu an sawi.

Hnahthial-a Akashvani Correspondent PC Lalhmangaihzuai'n Pangzawl-a cheng sawrkara laipui scheme chhawr tangkai tur hrang hrang a kawmna ah mipuiten an chhawr tangkai thu an sawi a, hamthatna hrang hrang an dawn chuan an khawsak a ti awlsam an ti a, chenna in neilo ten sawrkara kaltlangin chenna in an neih thu an sawi a, PM-Kisan kaltlangin loneituten tanpuina an dawng tih sawiin Ayushman Bharat hnuuia Golden Card nei ten an hman tangkai thu an sawi bawk.

Prime Minister Narendra Modi kaihhruai NDA sawrkar hian kumin hian a kum 12-na a tling a, hemi pual hian Akashvani News Aizawl chuan sawrkar laipui hmalakna hrang hrangah mithiamte a kawm a, henge hi Akashvani News Aizawl youtube channel leh Social media hrang hrangah hmuh leh ngaihthlak theihin a awm a ni.

(Desk)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

LUCKNOW COACHING CENTRE

Lucknow-a coaching centre kanga thi zat chu mi 15 an tling tawh. Hliam tuar engemawzat awmin damdawiinah hruuai nghal an ni bawk. Puan tawh angin kangmei hi Aliganj-a animation coaching centre-a thleng a ni a. Uttar Pradesh Chief Minister Yogi Adityanath chuan vanduaina thleng chungchangah hian high-level inquiry committee a din nghal a. Prime Minister Narendra Modia chuan Lucknow-a coaching centre kang chu pawl atih thu a sawi a. Mitthi chhungte hnenah PMNRF atangin cheng nuai hnih leh hliam tuarte hnenah cheng sing 5 theuh pek a ni ang a ti.

(Newsonair)

<><><>

UK PRIME MINISTER

UK Prime Minister Keir Stermer chuan PM a nihna a tanga a ban thu a puang. Party chhung atanga nawrna avangin PM anihna atanga a ban thu puangin Labour Party hruaitu anihna pawh a bansan thu a puang a.

A ban thu hi thuchhuah siama puangin Kum 2 kaltaa PM nihna a chelh tum kha a nuna a thilchhuan ber anih thu a sawi.

(NSD)

<><><>

FIFA WC

FIFA World Cup 2026 khelk mekah nizan khan Group J ah Argentina chuan goal hnihin Austria an hneh a. He inkhelah hian Argentina captain Lionel Messi chuan goal 2 thunin World Cup-a goal thun tam ber record thar siamin goal 18 a thun tling ta a ni. Inkhel dangah Goup I inkhelah Norway chuan goal 3 goal 1 in Senegal an hneh a. France in goal 3 faiin Iraq an hneh bawk a. Tukin dar 8.30 hian Group J atangin Jordan leh Algeria te an inkhel ang a. Zanin dar 10.30 ah team ngaihven hlauh Portugal leh Uzbekistan te an inkhel bawk ang.

(Newsonair)

<><><>